

**Degmada King
Barnaamijka Nooliga la Dhimay
Su'aalaha Badanaa La Is Weydiyo**

Waa maxay barnaamijka Degmada King ee nooliga la dhimay?

Barnaamijkani waxa uu nooli la dhimay siinayaa dadka u qalma ee dakhliga qoyskoogu uu ka hooseeyo heerka saboolnimada federaalka ama qaranka guud ahaan oo la laban laabay (boqolkiiiba 200). Waa in nooliga la dhimay lagu bixiyaa kaadhadhka nooliga la dhimay ee ORCA, kuwaas oo ah kuwo diiwaan gashan loona soo saari doono qof kasta oo adeegan isticmaala. Barnaamijka nooliga la dhimay waxa uu shaqaynayaa 24 bilood. Labada shirkadood ee gaadiidka ah ee Metro Transit iyo Kitsap Transit way aqbaleen nidaamka nooliga jaban, halka shirkadda Sound Transit ay iyaduna ka fikirayso inay dhaqan galiso nooligaas.

Waa imisa nooliga la dhimay?

Laga bilaabo 1-da bisha March 2015, nooligu waxa uu noqon doonaa \$1.5 wakhti kasta oo maalinta ah, hadii qofku hal ama laba soone gudohood ku safrayo.

Hadii qof qaan-gaad ah uu hore u haystay kaadhka ORCA ee Rukhsada Nooliga la Dhimay ee Heer Gobol (kaadhadhka RRFP ee dadka da'da wayn ama curyaanka ah), nooligan la dhimay ee cusub ma lagu dari karaa kaadhkaas?

Maya labadaasi waa laba rakaab oo kala duwan. Intaa waxa dheer, wakhtigan xaadirka ah waxa nooliga la dhimay aqbala oo kaliya shirkada Metro Transit iyo shirkada Kitsap Transit. Nidaamyada gaadiidka kale oo dhan waxa qofka ku waajib ah inuu bixiyo nooliga oo dhamays tiran. Kaadhadhka RRFP waxay qofka u saamaxayaan inuu helo qiimo-dhimis marka uu raacayo dhamaan noocyada kala duwan ee gaadiidka ORCA ee mandaqada, markaa kharashka uu ku raacayo qofku gaadiidka waa mid ka hooseeya kharashka nooliga la dhimay ee cusub, markaa nidaamka RRFP ayaa qofka uga jaban.

Hadii uu jiro qof dhalinyaro ah oo buuxiyay shuruudaha nidaamkan laakiin hadana haysta kaadhka ORCA ee dhalinyarada amaba kaad ORCA ah oo cidda uu u shaqeeyaa ay siisay, nooligan la dhimay ee cusub ma lagu dari karaa kaadhkaas?

Kaadhma dhalinyaradu waxa uu la mid yahay nooliga qiimihiisa la dhimay laakiin kaadhkaas way aqbalaan dhamaan gaadiidka ORCA ee ka jira mandaqadu, waxana uu taa kaga duwan yahay nooliga la dhimay, kaas oo imika ka shaqeeyaa shirkadaha Metro Transit iyo Kitsap Transit. Ilaa inta qofku gaadhayo da'da 19 jirka, waxa u wacan kaadhka ORCA ee dhalinyarada.

Hadii qofku uu haysto kaadh ORCA ah oo cidda uu u shaqeeyaa ay siisay, nooliga la dhimay laguma dul dari karo kaadhkaas. Kaadhka nooliga la dhimay waa mid loogu talo galay nooc gaar ah oo rakaabka ah oo lagu soo xulay nidaam ay shuruudihiisa buuxiyeen. Qofka isaga loo shaqeeyaa uma buuxin karo shuruudaha cidda u shaqaysa isaga. Kaadhka nooligiisa la dhimay waxa la siin doonaa kaliya dadka buuxiyay shuruudaha lagumana dul dari karo kaadh ORCA ah oo hore qofku u qaatay.

Sideebuu qofku u buuxin karaa shuruudaha nooliga la dhima?

Inta u dhaxaysa 15-ka bisha Noofeembar 2014 iyo 15-ka Jannaayo 2016, dadka xaqaa u leh ee taga mid ka mid ah shanta goobood ee ku yaala Xarumaha Caafimaadka Guud ee Degmada King (King County Public

Health) waxay sidoo kale awoodaan in ay buuxiyaan shuruudaha nidaamka nooliga la dhimay. Ka dib 15-ka bisha Jannaayo 2015, waxay dadku awoodi doonaan in ay dalbadaan nooliga la dhimay iyagoo boqanaya mid ka mid ah hayadaha adeega bulshada ee qandaraaska kula galay Degmada King hawlaha la xidhiidha hubinta in dadka barnaamijka ka qayb galayaa ay yihii kuwo shuruudaha buuxiyay.

Waa maxay dakhliga ugu badan ee uu qofku ku noqon karo qof u qalma barnaamijka nooliga la dhimay?

Si qofku uu ugu qalmo barnaamijka nooliga la dhimay, waa in uusan qofka dakhligisu boqolkiba 200 wax ka badan ka badnaanin heerka saboolnimada qaranka ee ay dajisay Waaxda Maraykanka ee Adeegyada Caafimaadka iyo kuwa Bulshada. Tilmaamaha heerkaas ee sannadka 2014 hoos ayay ku dhigan yihii.

Xeerka Saboolnimada Federaalka Oo Ku Salaysan Tirada Qoyska	
Tirada	200%
Qoyska	
1	\$23,340
2	\$31,460
3	\$39,580
4	\$47,700
5	\$55,820
6	\$63,940
7	\$72,060
8	\$80,180

Waa maxay dhukumantiyada loo adeegsan karo xaqiijinta dakhliga qofka?

1. Dadka ku jira barnaamijada gunnooyinka kaalmada ah ee hore u jiray:
 - a. Dadka ka midka ah nidaamka caymiska ee Apple Health ama Medicaid: Waa dakhligooga lagu xaqiijin karaa kaadhka adeegyada caafimaadka ee ProviderOne. Hayada ayaa xaqiijin karta in qofku wakhtigan xaadirka ah uu buuxiyay shuruudaha iyadoo adeegsanaysa barta internetka ee washingtonconnect.org.
 - b. Dadka ka diiwaan gashan Barnaamijka Washington ee Cuntada Aasaasiga ah: Waa dakhligooga lagu xaqiijin karaa kaadhka EBT (xawilaada kaalmooyinka ee internetka). Hayada ayaa xaqiijin karta in qofku wakhtigan xaadirka ah uu buuxiyay shuruudaha iyadoo adeegsanaysa barta internetka ee washingtonconnect.org.
 - c. Dadka ka diiwaan gashan Barnaamijka Kaalmada Ku-Meel Gaadhka ah ee Qoysaska Baahan (TANF): Hayada ayaa xaqiijin karta in qofku wakhtigan xaadirka ah uu buuxiyay shuruudaha iyadoo adeegsanaysa barta internetka ee washingtonconnect.org, ama qofka ayaa keeni kara nuqul ah warqaddii ku-guulaysiga kaalmada.
2. Dadka ku jira barnaamijada gunnooyinka kaalmada ah ee kale:
 - a. Waraaqda lacagbixinta caymiska shaqo la'aanta ay qaataan dadka bilaa camalka ah ee la kaalmeeyo.
 - b. Waraaqaha ku-guulaysiga qaadashada Dakhliga Dheeraadka ah ee Kaabista ah (SSI) iyo Caymiska Bulshada (Social Security) ama waraaqaha dadka qaata gunnada hawlgabka ee la siiyo shaqaalaha tareenada.
 - c. Warqadda L&I ee qaadashada magdhowga la siiyo shaqaalaha.
3. Dadka iyagu shaqeeya: Waa dakhligooga lagu xaqiijin karaa waraaqaha lacag-qaadashada – muddadoodu waa inay ahaato 30-kii cisho ee ugu dambeeyay.

4. Dadka iyagu iskood u shaqaysta ee aan shirkad u shaqayn: Wuxuu dakhligooga lagu xaqijin karaa foomamkii cashuurta ee ugu dambeeyay. Dakhliga waxa lagu jaangoynaya dakhliga guud ee ku yaala foomkoodii cashuurta ee ugu dambeeyay: Foomka 1040 sadarka 37; Foomka 1040 A, sadarka 21; Foomka 1040 EZ, sadarka 4; **ama** qofku waxa uu buuxin karaa xaashida u gaarka ah dadka iyagu iskood u shaqaysta.
5. Dadka iyagu mushaharkooda lacag ahaan ku qaata: Wuxuu dakhligooga lagu xaqijin karaa waraaq ka socota cidda ay u shaqeeyaan oo saxeexan isla markaana taariikhaysan kuna dhigan yahay dakhliga guud ee qofka dalabka gudbinayaa uu helay 30-kii cisho ee ugu dambeeyay; ama caddayn bangi (bank statement) oo ka socota qofka cudsiga gudbinaya hadii ay jeega mushaaradooda ku shubtaan akoonkooda bangiga.
6. Dadka bilaa dakhliga ah: Wuxuu dakhli la'aantooda lagu xaqijin karaa waraaqda caddaynta Caymiska Shaqo La'aanta.

Hadii uu qofku waraaqaha aqoonsiga iyo Caymiska Shaqo La'aanta isa soo raaciyo, waxa uu qofku caddayn karaa inuusan wax dakhli ah helin isla markaana uu u qalmo barnaamijka nooliga la dhimay.

Maxaa dhacaya hadii la go'aamiyo inuusan qofku u qalmin barnaamijkan laakiinse uu su'aalo ka qabo sida arrintaa loo go'aamiyay?

Hadii ay hayad ka mid ah hayadaha adeega bulshada ee bixiya adeegyada xaqijinta dakhligu ay go'aamiso inuusan qofka codsiga soo gudbiyay u qalmin barnaamijkan, laakiinse uu su'aalo ka qabo arrintaa, hayadu waxay qofka u gudbin kartaa Waaxda Caafimaadka Guud si ay qaraar kama dambays ah uga gaadho.

Waa maxay dhukumentiyada loo baahan yahay in aqoonsiga qofka lagu caddeeyo?

1. Aqoonsi sawir leh oo ay dawladu soo saartay
 - Liisanka Darawalka (gobol kasta ama dal kasta)
 - Aqoonsi sawir leh oo laga soo saaray gobol kasta ama degmo kasta ama dal kasta
 - Aqoonsiga ciidamada oo sawir leh
 - Kaadh Aqoonsi oo ay soo saartay qunsulyad ka mid ah qunsulyadaha
 - Baasaboorka dal kasta
 - Aqoonsi sawir leh oo waxbarasho – jaamacad ama kulliyad ama dugsi sare
 - Kaadh qabaa'ilka hindida maraykanka
 - Shahaadada muwaadinnimada maraykanka, qaadashada jinsiyadda (saxeex iyo sawir)
 - Nooc kasta oo kale oo ah aqoonsi sawir leh oo ay soo saartay hayad dawladi ah

- AMA -

2. Isku dhafka laba dhukumenti ama ka badan, kuwaas oo kala ah:
 - a. Dhukumenti aysan dawladu soo saarin oo muujinaya magaca iyo sawirka qofka codsiga gudbinaya iyo inuu yahay qof qaan-gaad ah, iyo
 - b. Dhukumenti muujinaya magaca qofka iyo taariikhda uu dhashay, sida:
 - Waraaqaha korsashada
 - Diiwaanada baabtiiska masiixiga
 - Shahaadada dhalashada
 - Kaadhka ka gudbista xadka
 - Amar maxkamadeed
 - Kaadhadhka DHS ee "Macmiisha lagu Kalsoonyahay" (NEXUS, SENTRI, FAST)
 - Ogolaanshaha barista darawalnimada
 - Waraaqda Aqoonsiga Waaxda Adeegyada Bulshada iyo Caafimaadka (DSHS)
 - Kaadhka aqoonsiga ee shaqaalaha
 - Aqoonsiga dadka muhaajiriinta ah
 - Liisanka guurka
 - Diiwaannada waxbarashada / nuqluka fasallada ama transcript (oo shaabadaysan)

- Kaadhka Caymiska Bulshada
- Aqoonsiga Shaqaalaha Gaadiidka (TWIC)
- Kaadhka shaqo la'aanta

Maxaa dhacaya hadii qofku uu marka hore buuxiyo shuruuda barnaamijka nooliga la dhimay kadibna uu helo dakhli boqolkiiiba 200 ka badan heerka saboolnimada federaalka?

Qof kasta oo marka hore u qalma barnaamijka nooliga la dhimay wuu sii wadan karaa barnaamijka ilaa inta uu kaadhkiisa nooliga la dhimay ee ORCA uu dhaco wakhtigiisu. Marka wakhtigaa la gaadho waa in uu qofku mar labaad caddeeyo inuu wali xaq u leeyahay ka mid noqoshada barnaamijka nooliga la dhimay.

Waa imisa qiimaha kaadhka nooliga la dhimay?

Kaadhka bilaash ayaa lagu siiyaa dadka xaqa u leh barnaamijka. Laakiin qofka kaadhka isticmaalaya ayay tahay inuu iska bixiyo kharashka ku shubashada lacagta nidaamka E-purse ama ku shubashada lacagta bishiiba mar lagu shubto. Hadii kaadhku uu lumo ama la xado ama uu wax noqdo, waa in qofku bixiyyaa \$5 si loogu badalo kaadh kale.

Imisa kaadh oo ah kaadhadhka nooliga la dhimay ee ORCA ayuu qofku haysan karaa markiiba?

Qofka waxa loo ogolyahay inuu haysto hal kaadh oo kaliya oo ah kaadhadhka ORCA ee nooliga la dhimay, in kasta oo qofka loo ogol yahay in uu haysto inta kaadh ee ORCA ah ee uu rabo. Dhamaan kaadhadhka nooliga la dhimay ee ORCA waxay ku diiwaan gashan yihiin magaca qofka adeegsanaya, si qofka lacagta ugu jirta loo ilaaliyo iyo si dadka kale looga hor joogsado in ay hal kaadh wax ka badan adeegsadaan.

Goorma ayaa dadka buuxiyay shuruudaha boosta loogu diri doonaa kaadhka nooliga la dhimay ee ORCA?

Kaadhadhka nooliga la dhimay ee ORCA waxa laga bilaabo 1-da bisha Febraayo 2015 boostada loogu diri doonaa dadka xaqa u leh ama u qalma ee dhamaystay hawsha buuxinta shuruudaha. Kaadhadhka kuma jiri doonto wax lacag ah, dadka ayaana ka masuul ah lacag ku shubashada kaadhka ka hor adeegsigiisa. Wuxaan kaga shuban kartaa xafiisyada adeega macmiisha ee ORCA ama mashiinada tigidhada ama dukaamada iibiya kaadhadhka ORCA. Hadii la adeegsado kaadhka ORCA ee nooliga la dhimay ka hor 1-da Maarsa 2015, waxa laga qaadi doonaa qofka kaadhka leh nooliga caadiga ah ee dadka waaweyn, oo uu ku jiro nooliga la qaado xilliyada saxmadda iyo nooliga soonayaasha.

Maxaa dhici doona hadii la adeegsado kaadhka nooliga la dhimay ee ORCA ka hor 1-da bisha Maarsa 2015?

Waxa laga qaadi doonaa qofka kaadhka leh nooliga caadiga ah ee dadka waaweyn, oo uu ku jiro nooliga la qaado xilliyada saxmadda iyo nooliga soonayaasha.

Sideebuu u shaqeeyaa kaadhka nooliga la dhimay ee ORCA?

Waxa uu u shaqeeyaa sida kaadhadhka ORCA ee caadiga ah.

- a. Adiga oo adeegsanaya nidaamka lacagta ee E-Purse ee u gaarka ah ORCA, ku shubo kaadhka nooliga la dhimay ee ORCA inta u dhaxaysa \$5 iyo \$300. In aad sidaa yeesho ayaa kuu wacan hadii aad kaadhka mararka qaarkood uun adeegsato. Marka uu qofku baska fuulo ee uu kaadhka taabsiyo mashiinka ORCA ee akhriya kaadhadhka, nooliga la dhimay ayaa laga jari doonaa nidaamka lacagta E-purse.
- b. Sidoo kale bil kasta lacag dhan \$54 ayaa lagu shuban karaa kaadhka nooliga la dhimay ee ORCA si basaska Metro Transit ama Kitsap Transit aad si aan xad lahayn u raacdo bisha oo dhan. Sidan ayaa u wacan dadka sida joogtada ah gaadiidka u raaca.

Kaadhma nooliga la dhimay ee ORCA waxa uu ansax ahaan doonaa laba sanadood. Kadib marka uu dhaco kaadhku, waxa uu kaadhka ORCA kugu soo dalici doonaa nooliga caadiga ah ee dadka waaweyn, oo uu ku jiro nooliga la qaado xilliyada saxmadda iyo nooliga soonayaasha. Si uu qofku halkaa uga sii wato bixinta nooli jabon, waa in qofka sita kaadhku uu mar labaad buuxiyaa shuruudaha barnaamijka nooliga la dhimay oo uu kaadh cusub qaataa. Wax lacag ah lagaama qaadi doono marka aad cusboonaysiinaysid kaadhka.

Kaadhma nooliga la dhimay ee ORCA ma la adeegsan karaa gaadiid kale hadii lagu wareego?

Haa. Kaadhkani waxa uu kaadhadhka kale kala mid yahay in qofka gaadiidka Transit ka adeegsadaa uu haysto muddo laba saacadood ah si uu ugu wareego gaadiid kale oo aqbala kaadhadhka ORCA. Hadii kharashka raacitaanka baskaas ama tareenkaas kale uu ka badan yahay \$1.5, waxa kaadhku kaa bixin doonaa \$1.5 baaqigana adiga ayay tahay in aad ku bixiso nidaamka E-purse amaba lacag ahaan.

Kaadhma ma loo isticmaali karaa sida kaadhadhka ardayda ee loo yaqaano “flash pass” nooliga la dhimyna lacag ahaan ma ku bixin karaa?

Maya. Waa in nooliga la dhimay lagu bixiyaa nidaamka lacagta ee E-purse ama bishiiba mar lacag lagu shubtaa kaadhka nooliga la dhimay ee ORCA.

Hayadaha gaadiidka kuwee ayaa aqbala kaadhadhka nooliga la dhimay ee ORCA?

Wakhtigan xaadirka ah gaadiidka Degmada King ee kala ah Metro Transit iyo Kitsap Transit ayaa aqbala nooliga la dhimay.

Dhamaan hayadaha kale ee xubnaha ka ah ORCA way aqbali doonaan kaadhka nooliga la dhimay, laakiin waa in qofka kaadhka sitaa uu bixiyaa nooliga wakhtigan laga qaado dadka waawayn si uu u helo adeegyada ay bixiyaan hayadahaas kaleeto. (Hayadahaasi waxay kala yihiin Pierce Transit, Community Transit, Everett Transit, Sound Transit, Washington State Ferries, iyo King County Water Taxi. Ogow: hayada Sound Transit waxay ka fekeraysaa in ay qaadato nidaamka nooliga la dhimay.) Hadii qofka kaadhka nooliga la dhimay sitaa uu adeegsanayo kaadh ku shaqaynaya nidaamka PugetPass ee qiimihiisu yahay \$54 oo uu rabo in uu helo adeegyada ay bixiyaan hayadahaas kor ku xusan, waxa kaadhku qofkaa ka bixin doonaa lacag dhan \$1.5, laakiin waa in uu baaqiga ama nooliga intiisa kale lagu bixiyaa nidaamka E-Purse amaba lacag kaash ah.

Dadka kaadhka haystaa waxa ay wici karaan lambarka ah 206-553-3000 si ay wax uga ogadaan liiska wakhtigan xaadirka ah ee hayadaha gaadiidka ee iyagu qaatay ORCA.

Kaadhadhka nooliga la dhimay ee ORCA muddo intee leeg ayay ansax yihiin?

Nooliga la dhimay ee kaadhka ORCA waxa uu ansax yahay muddo gaadhaysa 24 bilood. Taariikhda dhicitaanka waxa lagu dhigi doonaa xaga dambe ee kaadhka. Taariikhdaas marka la dhaafu, waa in mar labaad la hubiyaa in qofka kaadhka sitaa uu u qalmo barnaamijka oo uu kaadh kale oo nooliga la dhimay leh uu mar labaad qaataa. Kadib taariikhda dhicitaanka kaadhka nooliga la dhimay, waxa uu kaadhku mar labaad halkiisii dib uga bilaabi doonaa in uu qofka ku soo dalaco nooliga caadiga ah ee dadka waaweyn, oo uu ku jiro nooliga la qaado xilliyada saxmadda iyo nooliga soonayaasha, hadii ay jiraan, marka uu qofku raacayo gaadiidka Metro Transit iyo Kitsap Transit.

Sideebaa uu qofka kaadhka sitaa ku ogaan karaa xilliga uu kaadhka nooliga la dhimay dhacayo?

Kaadhma nooliga la dhimay taariikhda dhicitaankiisa waxa lagu dhigay xaga dambe ee kaadhka ORCA.

Sideebaa uu qofka ku jira barnaamijka nooliga la dhimay mar labaad u heli karaa kaadh ORCA ah hadii uu kii hore ka lumay ama laga xaday ama ay waxyeelo gaadhay?

Kaadhadhka luma ama la xado ama kuwa wax noqda waxa isla markiiba dhakhso loogu badali karaa qofka taga Xarumaha Adeega Macmiisha ee Metro ee ku yaala Xarunta King Street ee ku taala Fagaaraaha Pioneer iyo sidoo kale Xarunta Westlake ee ku taala halka laga galu tanalka ama jidka dhulka hoostiisa mara ee gaadiidka transit-ka. Dhinaca kale waxa kaadhadhka baddalka ah laga dalban karaa taleefanka ama boostada ama internetka, waxaanay qaadanaysaa qiyaastii sagaal cisho in wixii lacag ahaa ee ku hadhsanaa nidaamka E-purse ee kaadhkii hore loo soo wareejyo kaadhka cusub. Laakiin lacagta bishiiba mar lagu shubto iyada 48 saacadood gudohood ayaa lagu wareejin karaa. Marka kaadhka la badalo, kaadhkii hore waa la "bakhtiin" doonaa si aysan cid kale u adeegsan. Fiiri qoraalkan xagiisa dambe si aad u garato meelaha ay ku yaalaan goobaha Xarunta Adeega Macmiisha Metro iyo waliba saacadaha shaqada.

Kaadhadhka luma ama la xado ama waxyeelooba waxa lagu badalaa lacag dhan \$5.

Taariikh muhiim ah

Nov. 15, 2014	Is diiwaan galinta barnaamijka nooliga la dhimay ayaa ka bilaabmi doonta xafiisyada hawshan loo qoondeeyay ee waaxda Caafimaadka Guud ee Degmada King, waxaana la diiwaan galin doonaa dadka iyagu gudbinaya arji ama dalbasho ay ku rabaan in lagu daro ama ay ka mid noqdaan Xeerka Daryeelka Caaimaad ee La Awoodi karo (Affordable Care Act). Kaadhadhka nooliga la dhimay ee ORCA waxa laga bilaabo 1-da bisha Febraayo 2015 boostada loogu diri doonaa dadka xaqa u leh ama u qalma.
Jan. 15, 2014	Is diiwaan galinta barnaamijka nooliga la dhimay ayaa ka bilaabmi doonta xafiisyada hawshan loo qoondeeyay ee hayadaha adeega bulshada. Waa in ka qayb-galayaashu ay la yimaadaan caddaynta aqoonsiga iyo caddaynta qofka dakhligiisu inta uu yahay. Kaadhadhka nooliga la dhimay ee ORCA waxa laga bilaabo 1-da bisha Febraayo 2015 boostada loogu diri doonaa dadka xaqa u leh ama u qalma.
Feb 1, 2015	Dadka xaqa u leh ama u qalma ee iyagu hawsha ka qayb galay waxay taariikhdan heli doonaan kaadhadhka nooliga la dhimay ee ORCA isla judhiiba marka ay buuxiyaan shuruudaha u qalmida barnaamijka. Kaadhadhka waxa la isticmaali karaa marka lagu shubo lacagta nidaamka E-purse ama lacagta bishiiba mar lagu shubto, laakiin nooligu waxa uu sii ahaan doonaa qiimaha caadiga ah ee aan la dhimin ee laga qaado dadka waawayn, oo ma noqon doono nooliga la dhimay. Nooliga la dhimay dhaqan gal noqon maayo ilaa 1-da Maarsa ee 2015.
March 1, 2015	Nooliga la dhimay waxa taariikhdan laga bilaabo la fasixi doonaa in lagu raaco basaska Metro iyadoo la adeegsano kaadhadhka ORCA.

Waa ayo cidda ay tahay in la Waco hadii ay su'aalo jiraan?

Ka wac shirkada Metro Transit lambarka ah 206-553-3000.

Halkee ayay ku yaalaan xarumaha adeega macmiisha ee Metro?

Xarunta King Street (waxay u gaar tahay lacag ku shubashada kaadhadhka nooliga la dhimay ee ORCA)

201 S. Wadada Jackson Street, Seattle

Isniiinta ilaa Jimcaha, 8:00 aroornimo ilaa 5:00 galabnimo

Tanalka Westlake, dabaqa dhexe ee mezzanine (waxay kaliya u gaar tahay xaruntani nidaamka lacagta e-purse iyo ku shubashada lacagta kaadhadhka ORCA biishaba hal mar lagu shubto)

Waxa ay furan tahay 9:00 aroornimo ilaa 5:30 galabnimo afarta maalmood ee ugu horeeya iyo kuwa ugu dambeeyaa ee bil kasta. Waxa ay xidhan tahay Sabtida iyo Axada iyo fasaxyada isniinta ku beegma.

[FIIRO GAAR AH: Laga bilaabo 14-ka February 2015, saacadaha adeega macmiisha ee xarumaha King Street iyo Westlake waxay isu badali doonaan 8:30 aroornimo ilaa 4:30 galabnimo]